

**Protocol da la sezzüda dal Cussagl cumünal da lündeschdi,
25 mai 2009, a las 20.00, acta 18**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon

Rico Zini (protocol)

Tractandas:

153. Protocol

Il Cussagl cumünal approva il protocol da la sezzüda dals 18 mai 2009, acta 17.

Protocol

154. Orientaziuns

1. Cumischin turistica

Il president da la cumischiun turistica orientescha sur da la prüma sezzüda culs novs commembers. Els propuonan tanter oter da comprar il tapet da skis, ch'id es stat in funcziun quist inviern a provas.

Orientaziuns

2. Radunanza Biereria Tschlin

Il capo orientescha al Cussagl cumünal sur da l'andamaint da la radunanza d'acziunaris da la Biereria da Tschlin. Il quint serra gio cun ün deficit da ca. fr. 120'000.--. La gronda part da quel resultat negativ resulta our dal fat chi sun gnüdas fattas quist on las amortisaziuns toccantas.

155. Automat per s-chamgiar (chasa da parcar)

La situaziun a regard pajar la taxa da parcar per 1 eivna süls implants da parcar cumünals nun es ideala. Tenor retscherchas ais ün s-chamgiader o dafatta ün automat per pajar cun cartas da credit pel nüz ch'el ha massa char. Ün s-chamgiader chi piglia eir Euros cuostess bundant fr. 15'000.--.

Il Cussagl cumünal decida da na comprar tals automats e propuona cha giasts ed eir fittaders gnian infuormats tras l'ESTAG (büro d'infuormaziun) ouravant uschè bain sco pussibel sur da l'adöver da las chaschas da parcar.

Implants da parcar

157. Dumonda per donaziuns

Il Cussagl cumünal decida da na pudair contribuir las seguintas dumondas cun mezs finanziaals:

- Cudesch da fotografias sur da l'En cun texts dad auturs rumantschs
- Cornists da Scuol per üna nouva unifuorma e cumplettaziun da l'instrumentaziun
- Snook, CD da musica

Dumonda donaziuns

158. Diversas schefs

1. Sanaziun dal tir da chatscha Parnarsura e dal tir vegl a Clüs

Tenor il protocol da las sondaschas fattas dals 22 avrigl 2009 as haja da far quint chi's ha da manar davent daplü material sco previss. Ils lös sun contaminats plü ferm e cun quai as haja da tour our bler daplü material. Sco prossem pass vegnan tuttas aint offertas per manar davent il material.

Diversas schefs

2. Cumün da padrinadi Therwil

Il Cussagl cumünal fixa las datas pussiblas pel inscunter cul Cussagl cumünal da Therwil.

3. 100 ons gallarias i'l Quar

Il schef turissem orientescha cha dal 1910 haja gnü lö la festa d'inauguraziun da las gallarias dal Quar. Il Cussagl cumünal decida da vulair far, quist on chi vain pels 100 ons, alch festivitats.

159. Varia

1. Datas da radunanza

Seguaintas datas per radunanzas cumünalas sun gnüdas fixadas:

- 17 gün 2009
- 9 lügl 2009

2. Lavuratori cumünal

Il schef da fabrica orientescha chi sajan entradas diversas offertas per eriger l'implant fotovoltaic in Palüzot. Tenor el accumulishan duos offertas tuot ils criteris.

Varia

Fin da la sezzüda: 22.55

L'actuar: